



Aqqalu C. Jerimiassen

UPA 2026/8-1

Atassut

22. April 2026

Inatsisartut ilassutitut aningaasaliissutitut inatsisissaannut siunnersuut 2025

(Aningaasaqarnermut Naalakkersuisoq)

Ukiut tamarluinnaasa aningaasanik ilasissutitut nuttaajuartarnek tamatigut immaqa annerpaamik avaqqunneqavissinnaasariaqarnera pingaartuusaraluarpoq.

Ukiunilu kingullerni arlariinni taamaakkaluartoq ilasissutitut aningaasaliissuterpasuit piuartarput, ilaatigullu piviusunngortinniarninnaani inatsisinut pitoqqaneri peqqaallutik naalakkersuisunik allaat akeqartariaqartarlutik.

Ukioq qiningaaffik siulleq aallartiinnartoq inatsitigut pituttugaasoq suliassaq, konto pingarneq 31.07.02 naalakkersuisuusimasumit tigussiffigineqarnissaa ataatsimiitsitaliamut qinnutigineqarpoq, tassani kr.4.873.000-it konto pingarneq 82.20.03-mut nuunneqarnissaat qinnuteqaataalluni Suliffissanut isertarfik nutaaq pilersinneqarnissaminut inatsisikkut pitutaareersoq pillugu.

Aningaasalerneqarpoq, aap, taannartaa paasivarput, kisiannili aajuna eqqarsarnartua, soq naalakkersuisumik akeqaaqqaartariaqarsimanera.

Tassa maanna imaalperpoq, suliat suulluunniit kontoni pingaarnerni inissisimasuusut ilasissutitut qinnutigineqartillugit ukiuni pingasuni tullerni naalakkersuisunik akeqartinneqaaqqaartuaannalarniarnepat?

Tamanna atorneqalissappat ila suliniarneq naalakkersuisussanillu pissarsiniarneq ajornakusoortupilussuanngusassoq qularnanngilaq. Eqqanaraluttuaq!

Tassani Atassummiit immikkut tikkuarusupparput, piffissami tassani aningaasaqarnermut ataatsimiitsitaliami ilaasortaasut taamarsuaq ilisiittuutitsiniannngiluatsiartumik sulianik qiningaaffiit marluk assigiinngitsut akornanni ingerlasumik toqqisinerujussuat, allaat naggataani naalakkersuisumik inatsisitigut pisussaaffiligaanini malillugu suliaqarniarsarisumik Atassummi naalakkersuisuutitatuasumik akeqartariaqartumik.

Imaassanerpa taava maannakkumiit, una suliaq akuerineqareermat, konto pingarneq 82.20.03-mut tunngatillugu nunatta missigersuutai 2025-imoortut Kukkunersiuinermut ataatsimiitsitaliamit



qupperneqarpata aamma suliaq aallaqqaataaniit puttallarteqqinneqassanerpa, maannalu Atassummit naalackersuisuutitarilersimasarput asserluinnaanik umerniarsareqqillugu?

Suliassagut suliarissuagut, ilasissutit ilasissutaareernikuupput akuerineqarlutik. Aningaasatigullu maanna taamannak aningaasap naleerukkiartornera eqqarsaatigalugu ilasisarnerit unikkallarunnangitsut imaaliinnarlutik, illuanilli annerulissasut takorloorsinnaavarput.

Piffissamimi maanna nunarsuarput tamakkerlugu suut tamarmik akitsoriartuinnarfiiniitilluta, ingasammillu sanaartornikkut atortut pisiarineqartartut allaat pissarsiariniarneri atorfissaqartinnerilu minneruleqqajarfiginngisaanni, taamarsuaq akitsoriartorneri patsisigalugit ilasissutit takujuartussaassajunnarsivagut.

Qiningaaffiup siulia Covid-19 annertunerpaamik initunikuuvoq ilasissutinut aningaasaliissuteqartarnikuunikkut, piffissarlu taanna qaangiunniariartoq nunarsuatsinni pissutsit sukaatereerlugu aallartinnerat unammilligassaavoq nutaaqqinnaartaaq. Sorsunnertut nillertutut iluseqapajaartoq nunat pissaanillit akornanni ingerlatillugu suut tamarmik atorfissaqartitagut angakkuakkatut namminneerlutik akimikkut appariartulernissaaq qularnartuuvoq.

Taamaammat naatsorsuutigisinnaavarput maanna, ukunani maanna aningaasanut ilasissutaasimasunut nassuiaatini quppernemi 338-iusut amerlangaluaqisut suli tulliani amerlanerorataannaasut.

Erseqqissaqqitsiguli Atassummiit, ilasissutitut aningaasaliissutit Naalackersuisunikkut sapinngisamik minnerpaamiinnissaat aningaasanut inatsimmik suliaqarluarniartarnikkut eqqanaarniartuartarsinnaavagut, uagulli inatsisartuusut tassani qanoq suleriuseqarniarnerput apeqqutaalluinnarpoq, anoraalu allamut saqisoq qujangequsaarluta tusarneraaginnarlutalu silarsuarput tamaat taartuinnaasoq eqqartuutaa kikkut tamaasa qungujulatikkusullugit, aningaasaliissutaasut avataasigut ilasisaqqattaarneq atulinngisaannassagipput neriuppugut.

Taamatut Atassummiit oqaaseqarluta siunnersuut tusaatissatut tigullugu, pisariaqartinneqarpallu ataatsimiitsitaliakkoortariaqarnissaa ataqqilluguttaaq oqaatigeriiginnassuarput.